

無上黃籙大齋立成儀卷之三十四

白四

无上黄籙大齋立成儀卷之三十四 白四

三洞法師冲靖先生留用光傳授

太上執法仙士蔣叔興撰集

齋法修用門

釋出官啓事

張萬福天師曰凡傳言驛行皆憑神道庶得
感通所言神道仙官吏兵是也仙官吏兵須
是師受即仙靈治籙三部八景三十二天玉
童玉女五帝直符直事等是也道士身有此
仙官始得預齋請空輸屈折罔冒真靈貽其

罪考謹之發鑪畢衆官長跪法師叩齒二十
四通出吏兵上啓畢各叩齒三通咽液三過
右出靈寶太極敷齋威儀經仙公曰此謂
初齋啓事儀日夕六時燒香惟向香鑪呪
耳便禮拜也張清都曰建齋止出一官至
齋訖言功不復出吏兵也

白四

釋上啓願念

正齋上啓聖位及後語出靈寶盟真科乃飛
天神人所說三上香願念文出下元黃籙簡
文靈仙品今故燒香自歸依師尊大聖衆至

與道合真等語凡齋科三上香願念之文皆
然而今科上啓後亦云與道合真蓋以黃籙
簡文經中所載三捻香願念之前亦有此文
不敢改易經語張清都科亦因之恐後學不
知其故略爲釋出

釋二十方懺

隨方依科懺謝日官東北方月官中嶽西南
方星宮水府經法北方四嶽各隨本方
右二十方懺文爲拔度罪根威儀出靈寶

下元黃籙簡文靈山品

釋各思九色圓象咽液命魔高功立

上都講立天門之上衆官次都講立

先叩齒三通咽液三過心存日月在已面上

從鼻孔入洞房金華宮兩眉間却入辟方一寸曰明堂宮二寸曰

洞房宮三寸曰丹田宮明堂之北洞房之南向上升方一寸曰金華宮日從鼻左孔入月

白四

從鼻右光明出項後煥然作九色圓象薄入

玉枕徹照十方隨我繞經而行之矣又叩齒

三通嚥液三過右出太上玉經隱注

密呪并釋杜廣成先生曰此密呪不得令耳聞違之有咎責誠

之謹

黃中策炁斬祿宗密制強精斷邪翁太上有
命太上房急召北帝詣玉宮受承威令宣魔
王五炁翁鬱與命衝秘藏玉文方就隆三天
運明六天運終賢者哉

右出靈寶五符人鳥經洞真八道命籍存
思之法與此不同并附見于後可兼用之
禮方竟還東向思神閉目叩齒五嚙液五
存五神備在身中五符煥明內外五方羣
魔奔走遠迸來侍衛者嚴裝羅列在真官
後良久咽液三叩齒三誦人鳥山經呪曰

黃中策炁

張萬福天師曰天尊未說經之前諸天三界
魔王五帝大魔皆為萬神之尊總領鬼兵遊
觀太空自號赫奕與天齊功行威縱毒病苦
萬人男女禱祝煞害鼓舞以敬畏之天尊說

白四

三

經之後百魔伏化而神公受命普掃不祥魔
無干犯鬼無妖精衆魔既伏天尊聖化便為
諸天上聖妙行真人策駕前驅掃塵啓路所
以衆聖將欲遊天先命諸魔前驅策駕也經
云魔王敬受事故能朝諸天是也所以步虛

先當存思命魔

右三朝命魔張清都所言盡矣趙道升修黃籙儀認爲內事止於午朝命魔蓋本政和金籙此是其所見錯處非經旨也

釋步虛旋繞

張萬福天師曰玄都玉京山上冠八方即太上無極虛皇大道君之所治也高仙之玄都焉諸天大聖高仙真人各各持齋奉法宗太上虛皇於此矣凡遇齋日並乘飛龍八景雲輿大會太上玄都玉京燒自然旃檀返生靈

香飛仙散花旋繞七寶臺三市行誦空洞歌
章也其時八風揚旛香花交散流煙翳鬱太
上稱善又飛天之紳常乘碧霞之輦遊於玉
隆之天一日三時引天中衆聖上朝七寶之
宮七寶之臺七寶玉宮皆元始天尊所居諸

天衆聖朝時皆旋行誦歌洞章即升玄步虛
章或旋空歌章大梵無量洞章之流也密呪
畢都講唱步虛旋繞以次左行繞經三周其
第一首但平立面經像作第二首即旋行至
第十首須各復位竟之每稱善各回身向中

散花禮一拜法十方朝玄都也

右按上元金籙簡文真仙品曰拔度生死
建齋威儀禮十方畢次一時左轉繞香燈
三周師誦步虛之章弟子都門讚祝三周
如玄臺法尊卑相次安徐雅步調聲正氣

白四

四

誦詠空洞之章勿得顧盼意念不專遲速
越錯更相進却要量壇席廣狹為則如壇
席狹處第二第五第八首旋繞散花餘面
經像作可也

步虛空洞之章十首 并釋

稽首禮太上 燒香歸虛無 流明隨我迴
法輪亦三周 玄願四大興 靈慶及王侯
七祖生天堂 煌煌耀景敷 嘯歌觀太漠
天樂適我娛 齊馨無上德 下仙不與儔
妙想朗玄覺 詵詵巡虛遊
旋行躡雲綱 乘虛步玄紀 吟詠帝一尊
百關自調理 俯命八海童 仰携高仙子
諸天散香花 蕭然靈風起 宿願定命根
故致標高擬 歡樂太上前 萬劫猶未始
嗟峨玄都山 十方宗皇一 迢迢天寶臺

光明爛流日

煒燁五林華

倩燦曜朱實

常念喰玄精

煉液固形質

金光散紫微

窈窕大乘逸

俯仰存太上

華景秀丹田

左顧提鬱儀

右盼携結璘

六度冠梵行

道德隨日新

宿命積福應

聞經若至親

天挺超世才

樂誦希微篇

冲虛太和氣

吐納流霞津

胎息靜百關

寥寥究三便

泥丸洞明景

遂成金華仙

魔王敬受事

故能朝諸天

皆從齋戒起

累功結宿緣

飛行凌太虛

白四

五

提携高上仙

控轡適十方

俯眄紫雲羅

積學為真人

萬春奚足多

大道師玄寂

太一捧洞章

天尊眄雲輦

紛靄茂玄梁

頭腦禮金闕

紫雲羅

旋憇玄景阿

逍遙太上京

恬然榮衛和

天孫賦妙本

升仙友無英

舍利耀金姿

飄飄乘虛翔

靈風

携手遨玉京

乘虛

仰觀劫刃臺

相與坐蓮花

永享無期壽

天孫賦妙本

公子度靈符

龍駕歛來迎

香華若飛雪

靈風

騫樹圓景園

煥爛七寶林

天獸三百名

獅子巨萬尋

飛龍躡躡鳴

神鳳應節吟

靈風扇奇花

清香散人襟

自無高仙才

焉能耽此心

嚴我九龍駕

乘虛以逍遙

八天如指掌

六合何足遼

眾仙誦洞玄

太上唱清謠

香花隨風散

玉音成紫霄

五苦一時迸

八難順經寥

妙哉靈寶園

興此大法橋

天真帝一宮

鵲鵲冠曜靈

流煥法輪綱

旋空入無形

虛皇拊雲璈

眾真誦洞經

高仙凜乎讚

彌劫保利貞

長齋會

至真無所待 時或轡飛龍 長齋會玄都

鳴玉扣瓊鍾 十華諸仙集 紫煙結成宮

寶蓋羅太上 真人把芙蓉 散花陳我願

握節徵魔王 法鼓會羣仙 靈唱靡不同

無可無不可 思與希微通

白四

六

右出靈寶玉京山步虛經每一首終各稱

善一拜

釋重稱法位大謝

衆各重稱所受法位高功北向大謝衆官人

各長跪

留冲靖 止東向

右大謝懺罪之文出黃籙簡文經及靈寶
太極敷齋威儀經

十念

一念為道四大合德某家七祖父母免脫憂
苦上升天堂衣食自然

二念帝王國主道化興崇庠序濟濟皇化恢
弘威儀翼翼普天所瞻民稱太平戎夷賓服
妖惡日滅賢聖日生

三念法師功德大建教化明達俱獲飛仙

四念同志學人早得仙道更相開度

五念九親和穆好尚仁義貴道賤財行爲物

範

六念損已布施道士及飢寒之者天下人民

各得其所

七念蠕動蚊行一切衆生咸蒙成就

白四

八念赦賞某家門前世生死罪對立功補過

九念某家門興盛宗廟有人世生賢才

十念尊受師經不敢中怠平等一心廣度一

切克獲上仙白日升天拜見太上永成真入

服五色雲衣與道合同

一作雲車羽
駕與道合同

第五十二願

并釋

一願大道淡泊虛無安閑空寂澄清自居廣
開法門教導頑夫皆蒙慧解精苦是修預以
同學普得升虛與天相保長存無憂一切衆
生成咸同寧休

二願諸天結氣澄清高虛廣覆保真固靈氣
候調節四運和平國安民豐普天閑寧廣濟
一切惠逮有生保劫長存億億不傾

三願地土廣載無窮安平不陷海淪不崩保
鎮寧國兆民興崇養生安死惠周十方禾稼

種植滋生日豐含德厚載萬願咸從
四願日月二景高明無有勃食虧縮安清光
照諸天洞消暗冥保固劫運世祚和平普加
潤惠澤灑衆生

五願星辰與日月齊光轉燭照曜映朗十方

各安其位經緯直行保鎮安國無有災殃四
海寧一普天興昌

六願四時隨節推遷景氣調和無有災患疫
毒消滅普天平安五穀豐熟國富民權

七願浮雲結氣聚煙飛空高澄蔭覆玄玄隱

則無爲散則彌天神仙同居結友衆真志流
一切興國愛民普濟羣生人同劫年

八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長爲仙宮安

白四

八

鎮國祚保天無終護度一切莫不仰宗

十願江海蕩蕩無極含容恢廓無細不殖淵

澳柔惠潤加喘息天人獲慶年同劫石

十一願帝王國主日昌四海安穆兵革不揚

天人歌唱吉應來祥敷教濟濟威化洋洋兆

庶稱慶長樂未央

十二願
蜺飛蠕動已生未生成
蒙安全普得生成
皆見元氣受陽之形
草木果林經冬不零
一切濟度靡不鮮榮

右出靈寶真文要解經

回向誦

向來禮懺功德

轉經作轉念功德隨宜改換

上資家國下

及存亡同賴齋功

轉經作勝因

成無上道

小啓謝過密呪

每日登齋出壇於玄師前密祝之

臣等今奉為某官某乙登齋升壇行道切恐

進止已科不合義格為四司所糾五帝所執

千愆萬罪乞垂赦免使功德成就啓奏感通
即仰荷玄中大法師三官五帝罔極之恩

畢三禮

无上黄籙大齋立成儀卷之三十四

白

几



